



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ephesini Concilii Generalis Pars I. Et II. Sub Cælestino papa I. anno  
CCCCXXI.

**Parisiis, 1644**

Epistola Legatorvm Schismaticorvm Ad Svos In Epheso.

**urn:nbn:de:hbz:466:1-15062**

rimus. Quoniam autem sub vestro imperio magna quædam fiducia est sacerdotibus, confidimus etiam ea quæ nos mœrore conficiunt & solitudine, cognouisse vestram maiestatem, illorumque remedium petere. Vnde oramus, & ante vestigia vestra prouoluimur, vt nos cum longanimitate humiliantes vestræ pietati suscipiatis, & iuste petentes de offensa persona ab his qui receperunt hæretica capitula Cyrilli Alexandrini, & in Deum ipsum impie egerunt. Nam qui introduxerunt hæretica capitula, & turbauerunt sanctorum patrum fidem, hanc ipsorum partem in ipsis commentariis etiam illicitam depositionem fecerunt. Et credimus non visum fuisse incorrupto vestro & recto iudicio iustam illorum stare condemnationem, quos condemnari manifeste oportet, vtpote conuictos hæreticos. Quæ autem particulariter secutura sunt ab illis & contra ecclesiasticas constitutiones, & contra pientissima vestra scripta, iam a multis didicit vestra maiestas, si in nullo ab ipsis offendatur, vestrisque edictis non obluentur, & ecclesiasticam fidem prædicent. Nam etsi millies fugiens tumultus caueat, & ipse priuatim agere malit; opus tamen, ne fides iacturam ferat, eo quod illegitima ista depositio ab his qui hæretica capitula introducunt, facta sit.

*Gravis intercessio pro hæretico Nestorio, quem tamen, quod imperatoribus exorsus esset, nominare non audent.*

*Sed coram quo iudice hæresis conuicti sunt Concilii patres?*

*Quasi Nestorius ecclesiasticam fidem prædicauerit, & imperatoris edictis patuerit.*

EPISTOLA LEGATORVM SCHISMATICORVM  
AD SVOS IN EPHESO.

*Dominis maxime honorabilibus & pientissimis episcopis, qui in Epheso sunt, Ioannes, Ioannes, Himerius, Paulus, Macarius, Apringius, Theodoretus.*

*Gravis in beatum Cyrillum Calanina.*

QVINTO accessus nobis contigit: & quamuis multum de hæreticis capitulis disceptauerimus, iurauerimusque sæpius pientissimo regi, quod impossibile sit nobis communicare his qui diuersa sentiunt, si nondum exploferint capitula; & quod Cyrillus, etiam si reiecerit capitula, a nobis suscipiendus non sit, eo quod ipse tam impiæ hæreseos hæresiarches factus sit; nihil tamen profecimus, eo quod & aduersarii instarēt, & auditores hos tam impudenter obluentantes non compescerent, nec cogerent eos, vt ad inquisitionem & colloquium venirent. hac enim via

ANNO  
 CHRISTI  
 431.

effugiunt, ne capitula examinentur, & de his disputari prorsus non sinunt. Nos autem propter vestras preces vſque ad mortem instare parati sumus; & neque Cyrillum suscipere, neque capitula ab eo exposita, neque illis communicare, priusquam explodantur quæ male fidei adiecta sunt. Obsecramus igitur & vestram sanctitatem, vt sapiatis eadem quæ nos, eundemque laborem ostendatis. Certamen enim nobis pro religione est, quam solam habemus spem, & propter quam expectamus fruituros nos benignitate Saluatoris nostri in futuro sæculo. De pientissimo & sanctissimo episcopo Nestorio sciat vestra pietas, quod studuerimus quidem sermonem de illo inferere; sed nunc non potuimus, eo quod omnes vel ad ipsum nomen hostiliter afficiuntur. Nihilominus curæ nobis erit, tametsi res sic habeant, per opportunitatem temporis ac auditorum benevolentiam etiam hoc facere, si quidem nostro proposito Deus cooperatus fuerit. Porro vt vestra sanctitas etiam hoc non ignoret, scitote, quod videntes Cyrillianos tyrannide, & fraudibus, & adulatione, & donis omnes, vt ita dicam, decepisse, non raro pientissimum regem & magnificentissimos principes obsecrauimus, vt & nos ad orientem dimitteremur, & vestra pietas ad propria remigraret. Cognoscimus enim, quod in vanum moras necimus, & instituta non perficimus, eo quod Cyrillus vbi que fugit colloquium nostrum, conscius sibi, blasphemias, quas in duodecim capitulis suis edidit, manifeste redarguendas. Placuit autem pientissimo regi post multas adhortationes, vt singuli ad propria redeamus; ad hoc, vt & Ægyptius & Memnon Ephesius in suis locis maneant. Sic enim poterit Ægyptius omnes excæcare muneribus suis, sic, vt ille quidem cum innumera fecerit mala, ad thronum suum redeat; iste vir innocens vix ad suam mansionem dimittatur. Omnem, quæ vobiscum est, fraternitatem, & nos, & qui vobiscum sunt, plurimum salutamus.

*Lani impij  
 impij here-  
 tici.*

*Schismatici  
 cause sua  
 diffidentes,  
 quam antea  
 se obtinisse  
 gloriaban-  
 tur, reditam  
 urgent.*

*Cyrillum per  
 contemptum  
 vocat Ægy-  
 ptium, Ne-  
 storium au-  
 tem virum  
 innocentem.*

Ioannes episcopus Antiochiæ orientis valere vos in Christo precor, domini pientissimi & sanctissimi. Subscriperunt autem similiter & alii.

